

PRESSITEEDÜS 5. aprill 2010.

Valmis sai II Uma Pido sümbolpilli - lõõtspilli - makett

Puulpäävä, 10. aprillil kell 14.00. näüdatäs Kanepi Seltsimajan II Uma Pido sümbolpilli - lõõtspilli - maketti. Maketti tekk' Saverna lõõtspillimeistri ja -mängjä Heino Tartes uman tüükuan ja tuud kantas Uma Pido rongikäügin 29. mail 2010.

Lõõtspillimaketi tegejä Heino Tartes mõist inneskise autoremondilukksepänä kõkkõ. Nii oll' tä kõrraga nõun II Uma Pido kõrraldajidõ palvõ pääle ja kunstnik Toomas Hõraku plaane perrä tegemä lõõtspilli alosõ pääl kujjo pido rongikäügin kandmisõs. "Tüü es olõ rassõ. Võti aga Hõraku plaani ette ja naksi pääle. Peris lõõtspilli tegemine om õks hulga peenemb tüü," ütles Tartes.

Kunstnik Toomas Hõraku mõtõ oll' praktilinõ: pidorongikäügi iinotsan kantav pido sümbol piät olõma häste nätä ja piät olõma arvu saia, et pido tulõ Indsikurmun. Kujo om umbõs 2,5 miitret laja ja 1 miitre korgõ, külen omma' käsipuu' kandmisõs. Lõõtspill "kasus vällä" kõoplangust alusõ päält ja lõõtspilli takan om kolmnukk, miä tulõtas kaejalõ miilde Indsikurmu laululavva.

Lõõtspillimaketti näüdatäs 10. aprillil Kanepi Seltsimajan oktoobrist märdsini käünü Lõõtspilliseldsi lõõtsamängjide kursusõ III lennu lõpukontsõrdil. Kontsõrdil, miä nakkas kell 14.00, mäng inämbüs kursusõl käünüist ja oppajist. Kontsõrdi tõsõn poolõn kullõldas Uma Pido laulõ Kanepi Segakoorilt.

Lõõtspillikursusõl käve kokko üle 20 opilasõ. Egäüte edesimine k lõõdsatõmbajana oll' muidoki kõüdetü tuuga, kas ja kupallo opilanõ vaihõpäääl har'ota sai, a kimmähe lõpõtasõ kõik opilasõ' parõmba mängjänä ku nä inne olli'. Kursusõl opati just Eesti tüüpi lõõtspillimängu. Kursusõ üts juhendajist, Heino Tartes pidä huult ka tuu iist, et pille õks saia olõs ja timä om tennü joba 14 Eesti tüüpi lõõtspilli.

II võrokeeline laulu- ja rahvapido Uma Pido tulõ seo aastak Põlvan Indsikurmu laululava pääl 29. mail.

Teedüs:

Triinu Ojar

Uma Pido projektijuht

triinu.ojar@wi.werro.ee, 533 22 153

www.umapido.ee

Pressiteate and' edesi:

Mari-Liisa Parder

II Uma Pido kommunikatsioonijuht

mariliisa.p@gmail.com

Tel: 50 52 517